

актированъ и уписанъ, къ которыхъ и сесь выписъ подъ печатью земскою воеводства Виленского въ Божѣ велебному го милости ксендзу метрополитѣ Кіевскому и всимъ отомъ духовенству церкви святой Пречистой Виленской оборной есть выданъ. Писанъ у Вилни.

Внизу тѣже подписи и печать, что и въ актикации документа, напечатаннаго выше подъ Н. 2. Ветхъ.

4.

Балованная грамота Сигизмунда 1-го князю Константину Ивановичу Острожскому на строение мельницы на р. Вилии для виленской церкви Пречистенской. 1515 г.

Жигимонтъ Божью милостію король польскій, великій князь Литовскій, Русскій, Пруссскій и проч.

Чинимъ знаменито симъ нашимъ листомъ, кто на него посмотришь, або читавши его услышитъ нинѣйшимъ и потомъ будучимъ, кому будетъ потреба того вѣдати. Биль намъ чѣломъ панъ Виленскій Гетманъ нашъ найвышшій, староста Луцкій и Браславскій и Вѣницкій, маршалокъ Воыньское земли князь Константинъ Ивановичъ Острожскій, абыхмо дали его милости мѣстце на рѣцѣ на Вилни выжшей млына пана воеводы его милости Виленского и дозволили быхмо ему на томъ местцу млынъ справити къ церкви соборное Пречистой Богоматери у Вилни на поживене нинѣйшему митрополиту Кіевскому и всея Руси Іосифу и по немъ будучимъ митрополитомъ. Ино мы зъ ласки наше на его чоломбитіе то учинили, тое местце на рѣцѣ на Вилни выжше млына пана воеводы его милости Виленского и тежъ местце на збудоване дому тому млынарю, который маеть при томъ млынѣ мешкать надъ рѣкою Вилною къ той церкви Божой Пречистой Богоматери дали и дозволи-

ли есмо тамъ на томъ местцу млынъ справити подлугъ его воли. И который его милость на томъ местцу млынъ къ церкви Божое Пречистое Богоматери въ Вилни справить, мы тотъ млынъ и тое местцо млынарекое, на которомъ, князь Константинъ млынаря осадилъ къ тому млыну вышеписаному даемъ и потвержаемъ симъ нашимъ листомъ къ той церкви Божой соборной Пречистое Богоматери у Вилни нинешнему митрополиту Юсифу Кіевскому и всея Руси и по немъ будучимъ митрополитомъ вѣчно и на вѣки непорушно. И мають зъ мѣста Виленского и съ сель хто хотячи на тотъ млынъ всякіе збожа отовсюдь доброволне возити и молоти, а урядники нашіе не мають въ тотъ млынъ и въ того млынарка ни чимъ 'ся вступати; а на твердость того и печать нашу казалымо привѣсити къ сему нашему листу. А при томъ были и тому добре сведоми панове рада, воевода Виленскій канцлеръ нашъ Николай Николаевичъ Радивилловичъ; воевода Троцкій маршалокъ надворный, панъ Григорей, Станиславовичъ Остиевичъ, панъ Троцкій староста Жомойтскій, панъ Станиславъ Ивановичъ; маршалокъ земскій державца Слонимскій, панъ Иванъ Николаевичъ; староста Городенскій подчашій нашъ, панъ Юрей Николаевичъ; воевода Полоцкій державца мозырскій, панъ Ольбрыхъ Мартиновичъ Гаштовтовичъ; воевода Новгородскій староста Дорогицкій, панъ Иванъ Ивановичъ Заберезинскій. Писанъ у Вилни въ лѣто 7023. мѣсеца декабрия двадцать девятого дня, индикта 3. Копоть Вашковичъ.

Грамота сія заимствована изъ копии экстракта, даннаго Августомъ II-мъ, по просьбѣ пановъ радъ, и подтверждающаго вѣрность записи грамоты въ метрику Литовской. Копія писана на бумажномъ листѣ польскими буквами безъ подписей и печатей.
